

Hugo Mohamed: 35 año di fiel servicio publico

Oficina di Monumento y Minister di Cultura cu elogio

STA. CRUZ -- Diabierna ultimo 1 di Augustus 2008, sr. Hugo Mohamed a celebra pa motibo cu su persona a cumpli 35 año den servicio di gobierno. Pa e ocasion special aki sr. Mohamed a ser ricibi door di Minister di Cultura sr. Tai Foo Ramon Lee na su despacho pa conmemora e acontecimiento importante aki. Despues di un conversacion ameno Minister Lee a honra sr. Mohamed cu un carta di gratitud. Alavez a entrega e costumbrado envelop den precencia di directora di Oficina di Monumento, sra. Ing. Yvonne Webb-Kock. Sr. Mohamed a drenta gobierno na 1973

y a cuminsa traha como docente na Martin Luther King School te 1996. Durante e periodo aki e tabata docente den "Werktuigbouwkunde y Mechanische Techniek". Tambe 6 año largo su persona a duna les den e materia Spaño. Na Mon Plaisir Mavo y Juliana School sr. Mohamed a duna les di Scheikunde. Na año 1996-1998 sr. Mohamed a elabora como coördinator di Ministro di Deporte. Di 1998 te 2000 el'a wordo poni na disposicion di Ministro di asuntonan Economico. Na año 2000 sr. Mohamed a haya un traslado pa Oficina di Monumento y tabata na disposicion

di Fundacion Fondo di Monumento na unda el'a fungi como Director Interino. Na año 2001 sr. Mohamed a regresa bek na Oficina di Monumento y a keda encarga cu maneho, alavez a dirigi e 'buitendienst' di Oficina di Monumento. Su funcion actual ta "Beleidsadviseur" y ta alavez e Director Interino di Oficina di Monumento. Sr. Mohamed a celebra su 35 año den servicio di gobierno hunto cu su coleganan na Oficina di Monumento. Sr. Mohamed ta un trahador ehemplar y ta e deseo di Oficina di Monumento cu e por eherce su trabao akinan pa hopi años mas.



Home Appliance Sale



25%
DISCOUNT

Nos ta sigi celebra nos 25 año y pa diasabra 2 di Augustus 2008 nos tin 25 % DISCOUNT riba tur Home Appliance.

E Special aki ta pa CASH & CARRY. Tur diasabra tin cofee y sopi gratis.

